

EW NAMOPUNG

A awora ukukun \$530,000 seni ewe Monienapen ewe Muun Chuuk ren fan asengesin kamoun ewe FY'85 Cost of Living Allowance (COLA), fiti pungun ewe Annukun Chuuk No. 5-58, non an a piin ekkesiwin, me pwan ren ekkoch popun.

Epwe pung me ren ewe Legislature-un ewe Muun Chuuk:

Tetten 1. Iei a kawor ukukun \$530,000, ika fiye ukukun epwe tongeni naaf, seni ewe Monienapen ewe Muun Chuuk, ren fan asengesin kamoun ewe FY'85 Cost of Living Allowance (COLA) ngeni choon angang mei weneiti (esap chok ekkewe mei weneitiir ren ewe pungun kapung), fiti pungun Annukun Chuuk No. 5-58, non an a piin ekkesiwin. Ei ukukun moni epwe einet non nonno-pok nefinen ekkewe chon angang meinsin mei weneitiir ika mei eligible, epwe pwan kamou non ewe aewin peiof epwe tapweto murin poputan pochokunen ei annuk.

Tetten 2. Ei ukukun mei kawor me ren Tetten 1 epwe no-ngeni fan tumunuwen ewe Kepina, ewe epwe wisen tumunu an nounoun ewe moni epwe chok fiti pungun metewe mei affat non Tetten 1, pwan fiti pungun ewe State Financial Management Act, iwe esap pwan wor nounoun ei moni epwe nap seni ei ukukun mei kawor. Nussun moni esemwo it non September 30, 1986, epwe niwinsefaan ngeni ewe Monienapen ewe Muun Chuuk.

Tetten 3. Ewe Kepina epwe awora an report ngeni ewe Legislature me mwen April 15, 1986, epwe affatatiw:


(1) unusen porausen nounoun ewe moni mei kawor non Tetten 1, fongon me met ukukun nussun mei wor non April 1, 1986;


(2) napanapen an ewe nussun moni mei chiwen wor non April 1, 1986, epwe nounou non metewe nussun ewe fiscal year; nge och soposo-pun report won ewe nussun epwe pwan kawor ngeni ewe Legislature ika ewe committee mei weneiti, nefinen 20 raan me murin saponoon ewe fiscal year; pwan

(3) aukukun moni epwe pwan kawor ren ewe monien Cost of Living Allowance (COLA) non Fiscal Year 1986, fan pungun Annukun Chuuk No. 5-58, non an a piin ekkesiwin.


Tetten 4. Ei kaworen moni esap aweve ngeni pwe epwe amusano ika epichano ekkewe State Officers ika employees seni met ar angang me okunor fan pungun ewe State Financial Management Act, ika sakkun annuk mei weneitiir, ren met fofforun me angangan esemwo tawe me fis ren met moni mei kawor non annuk ren kamoon COLA-an FY'85.

Tetten 5. Ei Namopung epwe poputa pochokunan fansoun an a kapungno me ren ewe Kepina, ika fansoun an a pusin winiti annuk won winikapan.

Sain seni: 
Simeon Innocenti, Speaker
Truk State Legislature

Annetaya seni: 
Datas Albert, Chief Clerk
Truk State Legislature

Pwinin maram: Jan. 13, 1986

Kapungno seni: 
Erhart Aten, Governor
Truk State

Pwinin maram: Jan. 17, 1986